



黃梔仔花香

該日朝晨，偕行到教室个事務桌前「哇，一桌萋萋雪白个黃梔仔花！事務桌仔分佢兜奔到淦淦、奔到塞塞。就連正繳上來个該疊聯絡簿仔頂，乜放有三蕊靚靚个黃梔仔花，文文仔摺佢笑等相借問。吓，係麼人想愛嚇佢？」吾心肝肚做心肝肚恤，面項還言想著愛仰般表情。鼻公實在忍毋核，伏到花布前「香，還香哪，實在還香哦！」目珠眨等，享受佢三大陣香透心个香氣。

「哈！哈！哈！」一個學生仔鬼精仔个笑聲，偕臥頭一看，你！「係你？死該了！外掃區該頭黃梔仔花，分你拗到淨淨？」吾心肝肚匿忸聲仔，話在喉嚨著驚到問毋出來。總講，都係自家恁啖嘴，恁好(hau)講！昨晡下晝帶學生仔在圖牆脣拚掃，就緊講自家有幾中意黃梔仔花，又有幾多對黃梔仔个回想哦。這擺好空了，該頭原本在圖牆脣自在、生到比佢還較高个大黃梔仔，今這下，怕分這隻猴哥為著拗花撼到頭疤面疤了。想著，烏濟个校長，等下仔火屎燦天个召見：「你看，又係若學生仔！全校三百零儕人，毋使多想，就知係佢！」想像等校長个火著，噤聲个話語在吾頭那頂緊捩、感嘆在吾心肝肚著(diauˇ)等「會一個月了，偕仰還教毋會五年生个你，管好自家个手、管好你分人愁攏个心啊！」

「先生毋係講，黃梔仔花係你盡中意个花！吾屋下當多哦，吾婆講『做你摘，煞猛摘，摘去送分先生！』吾屋下个圖牆脣還當多哦，先生還愛無？天光日，偕再摘分你！你係第一個，偕會送佢禮物个先生哦！」佢啖啖滾講分明，見笑一陣一陣个趕上吾頸根、吾面頰卵。

細人仔單純个心，像該年清明過後新開个黃梔仔花，打早，佢用單純个心意摘一抔雪白送分佢。毋過，混雜个環境對佢就無恁單純，複雜个兄弟朋友、童年時節先生留等拌佢个凳板條、每日厥爸修(xiuˋ)佢个水管仔，該兜影響遠遠長過該季黃梔仔花開，偕去代課摺佢相識个兩個月。囡仔肚，怕鼻毋著今年个花香了，毋過該年黃梔仔花个雪白偕還當記得。總講，一蕊大雨涿綿抑係過烈个日頭晒覆个黃梔仔花，佢在轉黃跌落泥肚前，乜識單純雪白過。

作者：彭瑞珠

☆詞彙學習☆

- | | |
|--|---|
| 【黃梔仔花】vongˋ giˋ eˋ faˋ：梔子花。 | 【烏濟】jiauˋ jiˋ：形容人太過重視細節，事情不好處理。 |
| 【文文仔】vunˋ vunˋ eˋ：溫和斯文的。 | 【火屎燦天】foˋ siiˋ can tienˋ：火花四射，形容很生氣的樣子。 |
| 【啖嘴】giab zoi：形容人話很多。 | 【噤聲】lem sangˋ：轟隆作響。 |
| 【匿忸聲仔】nid nug sangˋ eˋ：形容心頭隱隱抽動、抽痛的感覺。 | |
| 【圖牆】tuˋ xiongˋ／tuˋ qiongˋ：圍牆。 | |

☆文法學習☆

【遠遠長過……】ienˋ ienˋ congˋ go：遠比……要長。「A + X_{形容詞}過 + B」句式意指「A比B還要……」，是比較句的一種，「過」在此表示程度上的超越。

例1：佢發過偕，仰使摺佢撥錢。（他比我有錢，怎會需要跟我調頭寸。）

例2：毋多知仔，若孫仔都高過你了。（不知不覺，你的孫兒都比你高了。）